

其源流審其得失而感

之則奚賴焉是故郡邑不

可以無志然而創之易輯

之難創者其氣銳其力全

國家圖書館分館編

清代孤本方志選

(第一輯第二十七冊) 福建

永春縣志[康熙]十卷



其去取明以決輯之者懼
其誘改也懼其間也懼其膽
狗而回惑也夫非輯之難
蓋毅然有志以從事輯之

之難也余竊慨古者採風
問俗士大夫過都越國必
考其興廢歷山川必察其
原委追念老成耆舊必訪

其室廬過遺墟故蹟必感
慨憑弔覽民風驗民力必
審貞淫盈縮以觀政治之
能否若是者雖無志謂志

以人存可也乃余自視學
七閩來亦欲蒐羅掌故以
資見聞每晏見諸邑令尹
輒傾心延訪而能以其書

應者無幾他或曰以兵燬
矣以年遠殘佚矣或曰方
事纘補值公事未遑也或
愕然矇眙不對余亦不復

同壬申之夏校士至溫陵
獨永春司鐸金浦蔡君以
所輯志示余而屬之序余
喜其意之同也卒讀之竊

又慨夫永春小邑也小則

物力不供司鐸散秩也散

則撓撼易起志又毀餘也

毀則甃絰難周今志成乃

釐然秩然徵信斐韡可觀
如是傳曰國無小不信然
乎且天下未有稱先述古
而不足以裨益政治人心

之大者也於稽其事繼自
今爲循吏爲能吏則法在
江君黃君柴君爲仗節死
綏吏則法在潘君胡君科

日則秋官祭酒之風可以

興起文章氣節則英宅妙

香書屏發策之望可以楷

模除武備設險阨則紹興

嘉靖之事可鑒覈版籍正
里班則甦賊均田之制可
循亦大有造于永春矣藉
非脩明釐訂巨細畢舉人

惟其湮沒而不傳也然其
體繁任鉅要非僅一人之
爲功于稽其時則有若邑
令燕山鄭君則有若紳者

文學宋王尤林諸君輩實
與蔡君共襄厥事焉嗚呼

諸君均可謂毅然有志者

矣

大清康熙三十有一年歲

次壬申仲秋望日

福建提督學政按察使司

副使武林徐孺芳謹序

七